

Niederdeutsch | 26.08.2026 | Nr. 247/26

Volker Nielsen: TOP 21+26: Niederdeutsch schützen, fördern und pflegen

Es gilt das gesprochene Wort!

Sehr geehrte Fru Präsidentin, leeve Kollegen,

uns plattdütsche Sprook iss dör de europäische Charta vun de Regional- und Minderheiten Sprooken schützt un hett hier int Land Verfassungsrang. De Bericht vun de Landesregeern över de Fortschreibung von denn Lannesplon Nedderdütsch ut Juni 26 leggt Tüchnis aff, wat allns mookt ward un dat iss banning veel!

Plattschnacken iss faste Deel vun uns sleswig-holsteinisches Lebensgefühl, Heimat Sleswig-Holsteen, Land twüschen Nord- un Ostsee, uns Modersprook iss Platt, plattschnacken, dat kümmt vun't Hatt, dat iss tohus ween.

Artikel dörtein leggt fass: Dat Land schützt, fördert un pleegt uns plattdütsche Sprook:

Dör düssen hogen Rang hedd dat Land in den letzten Johteihnten männich mol un jümmers woller wießt, dat de plattdütsche Sprook schützt, fördert un pleegt ward.

Ass Bispeeale much ik nennen: in Fachgesetze, Erlasse un Verordnungen för Kinnertagesstätten un Schoolen iss de Vermittlung vun dat Plattdütsche, de Geschich un Tradischoon fassleegt.

In Kitas un Grundschooln ward sunen, leest un schnackt. Dat Konzept för de plattdütschen Modellschoolen löppt. Ok dat plattdütsche Theoter op Laien- un op Profiniveau is lebennig. De Hochschulen in Kiel un Flensburg leisten eeren Deel.

De Landach hett denn Neederdütschen Bierot mit Vörsitz dör de Präsidentin inrich, de Förderer vun de Plattdütsche Sprook ut ganze Land koomen männimol in düssen Bierat tosom un leegn fast, wat wo mookt ward, um Plattto fördern un to erhooln.

De Zentren för Nedderdütsch in Leck un Mölln, dat Lännerzentrum Bremen, alle sünd düchtig to Gang, lokal, regional, överregional.

Ik food tosoom: Uns plattdütsche Sprook iss dör de europäische Charta schützt un hett denn hoogen Verfassungsrang. Landach und Landesregeern setten sied Johteinten düssen Verfassungsoptoch um.

Veele Kommunen, Inrichtungen, Vereene un Ehrenamtler möön sick Dag för Dag, um uns Modersprook in de Öffentlichkeit un in Alldag to erholn unhemm dorbi Erfolg.

Jedeen, de platt snackt, hett Andeel an dat Hooln vun uns Modersprook.

So iss keen Bedarf föreen Extra Gesetz dor, wi dat vun den Plattdütschen Raat för Sleswig Holsteen im März 26 un vun de SPD Frakschoon in April 26 vörschloogt ward.

Unsabee ik denn Landach, unsern Andrach för dat wiedere Schützen, Fördern un Pleegen vununs Plattdütsch to to stimmen.

Veelen Dank fort Tohöern.